

四庫全書

集部

欽定四庫全書

集部

文忠集卷十九

詳校官庶亨

臣范逢恩

侍讀臣孫球覆勘

總校官中書

臣朱

鈐

校對官原任編修

臣勵守謙

謄錄監生

臣杜文海

欽定四庫全書

文忠集卷九

明 范景文 撰

詩

小東草

夜坐偶成

曉來雪飛殘逗漏梅花信
向夜晚風輕敲動疎篁韻
引月沁空庭一幅冰綃潤
稍嫌松影繁映處生薄暈
起坐靜焚香香銷烟未燼
四顧萬籟冥何處響隱隱
細聽或

鐘聲悽咽乍遠近此際饒深情向誰與答問

贈王性甫

不獨高神檢風流亦自翩閎情工繪雪好事善嘗泉談
妙成諧史詩清放浪僊更奇心澹漠紗帽罩枯禪

望華樓山

山容一畫圖所忌設色重中有一筆佳筆筆都生動華
樓獨秀出羣峯如相控嵐光濃淡間幻態恣播弄始知
化工巧不與丹青共

餐水齋謾題

不是標清節學貪苦未能竟還須飲水何可道餐水糧
乏難充鶴形癯半類僧累心俱已盡無物正堪矜

種竹

自公有小暇闢地時栽竹豈無草與花偏愛此君獨疎
疎挺數竿高可齊於屋遙擬碧成陰定招雲來宿風定
妙香生時聞靜中馥幽韻雜松濤支枕如聽瀑片石斜
置傍粧點畫半幅蕭森官舍裏何異箕簞當谷

無字碑

片石峯頭古並垂無端玉簡使人疑何書不被山靈怒
深宵誰如無字碑

獨立大夫松

秦皇如有靈應對孤松泣當日大夫多惟君稱獨立

明孔山偈呈性甫

怪哉明孔山靈竇一線白嵌空徹玲瓏巧似鬼工擘人
言達摩師此中曾面壁眼光不轉觀圻此通明石我來

仔細參此義了難索使以眼觀空空將何所坼若空可
坼時空亦成滯迹譬如蒼蒼天燦日一輪亦誰為舒長
眼點破長空碧今有看日人晶華紛相迫為是眼射日
為是日所射欲作如是觀益增萬重逆腐儒談道理談
此曷容易請君下一語以之當箋釋

寄李仁常年丈

日逐違心事方知作吏難詩情移案牘爽氣礙衣冠疎
濶還疑傲矜持且近酸君能堪此否好語漫相寬

從無三日別，隔歲竟何堪。
明月人千里，秋風字一函。
宦情嫌少味，世事畏深譚。
近狀無勞問，疎中半帶慙。

戲贈同波上人

上人好養馬

雲心已冷氣，如虹坐聽鳴。
泉說苦空脫，下袈裟調駿馬。
教人錯認是支公。

齋中瓶花吹落案間探韻得變字遂成二首

郊外春光容易變，花枝搖落紅如霰。
留春無計折將歸，膽瓶權作宜春院。
長辭妬雨與狂風，繡幕圍香惱蜂燕。

自是冶性愛顛狂
幾几一夜飛片片
主人久已耐餐冰
領取禪心伴妖茜

一般落紅作春殿
不向樹底向溪硯
花神應是好文雅
筆公墨君邀繾綣
如眠似起意韻驕
石床作枕藤紋薦
誰言陌上少殘芳
不襯馬蹄撲人面
豈特花開有高低
花謝亦自分貴賤

讀書

知犯書淫病
誰違意所耽
消閒商古事
採異佐清譚
意

得驚兼喜思深苦並甘世間惟此物多取不為貪

舟中作

春迷花霧與波光楊柳拂堤月引航流水聲中公事了

一甌新茗一爐香

病

朝來疲案牘卧閣暫怡顏原以忙成病還因病得閒方
書隨意檢好句放情刪強起看花徑行行仗小鬟

牡丹落幾盡矣惟餘一枝垂垂不墜因而賦此

已見殘紅片片飛一枝留得送春歸
粧經雨洗胭脂薄香惹風來蛺蝶稀
半醉微痕迷曉暈剩餐餘馥勝癡肥
畫工何似春工巧濃碧叢中淺著緋

丘毛伯見過遺以二詩即次來韻答贈

似踈還似傲風雅一先民運腕工疑鬼
論交道有神周旋忘作我睥睨更無人
別自成高寄蕭條不可憫

不獨文章合原因道味親情多悲間
喜形畧主為賓任誕奇成癖偷閒病
是因看來天下士君是有心人

聊城弔古和毛伯

有引

聊城故有魯連臺為先生射書處予至郡年餘
矣以忙中未有詩也會毛伯以使事至因出弔
古二首示予其意以先生教燕將叛燕不得稱
天下士予覽未及竟走筆和之雖不敢謂先生
知己亦聊代解嘲庶贖久未有詩之過云爾

英雄露本色時時其鋒偏排難別有為
遑計齊與燕一將易一城所全豈小然
齊止還其故燕亦何曾捐雖然

數行字氣應壯千年不有成功者血燐斷郊烟相絮試
較量兩者孰為賢奇人好輕詆侮吾魯仲連

城破不得生何如未破死贏得身不辱且了人臣事先
生代前籌自籌豈過爾亦復成人名成功似不止一舉
兩得之斯名天下士正中忽出奇腐儒那得此

答呂介孺年丈

二首

勞勞吏事日無餘休說栽花與種魚惟向忙中尋小趣
朗吟敲韻草爰書

不是交情漸漸疎囊無長物竟何如猶存舊刻兩三種
函作相知報薦書

生平

生平細檢儘多奇心口商來亦自疑酒社常開難共醉
愚公自號惱人癡身雖無病每思藥性好探奇嬾作詩
日日栽花還乞竹任他雨打與風吹

於陵弔古和王季木

枯峭礧石寒溪水洗耳之清冷漱齒弔古借問誰氏居

傳是於陵高士里於陵何必遜首陽山薇芬留井上李
夷齊兄弟仲夫妻千載將無一致爾怪是嶧山著論高
強欲律以中庸旨不思中庸解誤人易為貪夫作嚆矢
欲挽顏波砥中流行徑何妨太卓詭肯將耳目易廉名
雖然矯節亦可喜若做莊生齊物篇夷跖誰非以殉死
孔門思狷難其人吾欲舉一陳仲子

和友人閒居之作

夜裏刪詩日看山縱然忙殺也清閒從教花落休開徑

金瓶梅詞話卷九
除却僧來即閉關性好讀書終是癖身無小病怕成頑
幽棲未盡聲聞累鶴舞翻翻鳥語蠻

入門

經年苦行役遑其顧所私予假得三日喜幾不自持那
知入門後百憂攢兩眉僕走向前道數日未晨炊枵腹
相待久主來適其時主來何所有看囊竟如斯向內室
人謫稚子怨朝饑微祿不餬口作官欲何為平生豪壯
氣忽忽若披靡誰知夷由節祇貽家人嗤唯予兩尊人

溫語好慰之兒自行爾志莫以窮愁移匪緣貧無怨何
云涅不緇幸有頭上簪可供釜中糜子其苦茹荼予將
甘如飴丈夫抱微尚肯徇兒女悲且謾學古人憤作北
門詩

贈登州司理白華池

海氣空明裏潮回放早衙捲簾看島市呼吏掃庭花草
判閒丹管題詩滿絳紗座間聽晚浪官署也僊家

夜坐

不寐中宵起虛庭分外清花因風弄影雲與月爭明人
定鴉棲穩寒初鶴夢驚颯然生遠樹大半是秋聲

署中有柳狀頗類松予深有意焉因為賦之

物應有別植那可望而知元帶霜水氣寧矜烟雨姿離
奇翻自貴攀折轉堪疑多韻兼存骨相収或在茲

亦自隨風舞却聞謾謾聲倩人傳異貌容我寄微情春
老花飛少堂深栢并清蕭然常格外另結歲寒盟

六月旱

月令時行雨如何竟不靈風高霾日赤雲盡見天青
虐魃驕無賴乖龍睡不醒夜深時起看又見錯明星

海廟災

海翻夜聞鮫人哭水晶宮闕烟如瀑萬丈冰綃逐劫灰
珊瑚落燼滅紅玉不夜城楮爛霞標馮夷少勢回祿驕
長鯨鼓浪戰不勝弱水愁渡仙人橋波臣曉向承明謁
邈邈天閨隔日月君不見旱風吹破草頭青千里地赤
白惟骨

冬夜同岳爾律泛湖限斷字

桃花漾春流深夏荷風散湖光得致時蔭映開新爛雪
後柳情疎雲凍梅意慢冷月徹寒林烟景去其半何事
山陰行秋冬發深嘆淒淡正自佳幽意具一段暝嵐盡
冰紋色態巧互換比之挹濃華又作別種觀試向餐薇
子細與閒判斷

乙卯十九首

有引

乙卯大禋分廩行賑匹馬日走風雪中介孺

郵中寄片韻索賦遂就目中所見稍為疏次
得十九首蓋字皆是淚幾於歌不成聲矣

萬厯乙卯天行酷齊城八百付荼毒虐魃驅將火雲飛
燒盡荒原無半菽

閭右幾家蓄紅粟早供惡少眈眈目烏聚橫搶白晝間
眼看貧富計同蹙

羊豕殺盡繼以犢木皮草根聊充腹掘得饑鼠帶毛啖
爨底無薪煮不熟

資用斥盡典敝服圯顏止剩半間屋拆將難得易一飽
明日忍饑草間宿

吹霜打雪北風號慘裂肌骨息不屬老人一夜卧且僵
少待將無幼壯續

荷鋤攜釜出門泣欲行不行空躑躅本以逃死去其鄉
此去生死那可卜

搵淚傷心走窮谷稚子牽挽跌且仆眼前饑死不能起
暫作生離委中麓

羸妻衝風行且哭偕斃不如將去鬻市價斗米值千金
一妻難糴一升穀

中貧人賑數升穀持去連糠和苜蓿一勺分作兩日餐
食盡還愁生計促

今年饑望明年熟野禱曾無一寸綠村南儘有田可耕
誰使賣劍為買犢

減俸勸施收幾斛溝中或可存遺骨青州富守亦何人
苦口屬告我良牧

紅葉

霜林誰點染老翠見深紅色重嬌新艷條蘇怯晚風春
滋休欲妬秋殺莫言功亦有寒松栢長青向此中

冬夜王性甫招飲署中同段汝器呂介孺二年

兄

吾輩多通率更深尚赴邀官閒餘勝致歲晏快長宵雜
坐都忘套詼談不厭囂獨嫌司令者酒政密科條

冬夜同王季木介孺泛舟

看月兼聽浪湖中勝事多迎寒消濁酒得景付清歌木
落澄空鏡梅開映素波秋遊那得此好去傲仙坡

行荒

行荒盡日見孤村室內無人晝掩門無數寒鴉啼斷樹
淒風苦雨又黃昏

早觀趵突泉和爾律

誰使人意閒聽浪宜向晚誰使澄素心波靜快平遠泉
脈此何來亂濺崩雪堰滾滾漾冰花鬪此珠珍苑相鬪

勢未降碎擊琉璃散每誇匡瀑飛玉跳勝瓴建應是天
液靈巧與地籟混渟泓不盡奇故此束而卷試取浣塵
空噴薄省決輓照之鬚眉揚挹之醒沉憑寄語洗耳人
此際堪嘉遯

臘月十五日夜作是年閏八月及此後二日而

立春

不是天多事今宵已上元年長因有閏月好更無喧燈
負春前約莫餘臘後存晚梅與早柳閒試一爭論

臘月廿後初雪前三日立春

憂嘆兼祈雨年來當課程望窮看雪落分外見春生逼
歲如相約乘陽似有情歸功難草草好勒一亭名

乙卯除夜

忽驚明日是明年檢點從前祇自憐好日半多消馬上
深懷時復望雲邊無文難送窮中鬼入俗羞稱吏是仙
守歲也思聊應景燒燈獨坐展殘編

忙忙辭臘又迎春似笑如何却似顰祇為二東煩百苦

纔添一日已三旬
歷頭細數驚餘半
天下誰教更換新
獨快佳名稱除歲
除他儉歲見豐辰

宿長清署中曉起將發感而有作時丙辰正月

六日

古驛昏鴉睡長途
暮馬饑宵寒停柝
早時亟啟關遲落
月三更信春風六
日期年年行役苦
兩度已於斯

王季木招飲濟上高林堂

風物何時最爽森
除將秋霽是春陰
客因同調成孤賞

地以高林暢遠心梅影偏宜燈下取竹香細向酒中尋
眼前未盡氛埃氣欲掬寒泉洗碧岑

賦得春寒花較遲即用為韻

不是聞鶯轉那知入晚春時因耽月閨花作待年身掃
雪雲流樹踏青草作茵遊人拘故事猶向武陵津

花事原宜早妬人奈薄寒似忘三月信急望一枝看日
下閒分種風前巧護欄主人須愛惜將放勝將殘

頗似關情事春光恨未奢宜留霜後菊虛想雨前茶伴

竹依新月粧林倩晚霞羣芳嗟異候何不似梅花
神欲取其清韻格欲取峭譬如品美人傾國不關貌競
艷抹濃脂何似天然妙此亦需解人細與閒商較
意思雖幽冷晴光到即知前林申後約明歲卜先期凍
盡香彌遠晚芳褪自遲有辭催艷發勝作落花詩

丁巳再饑

四首

彼蒼何可問異侵若為常秋至還祈雨田空又見蝗療
饑人啖鬼勸賑肉醫瘡溝瘠填難盡流離滿路旁

何不陳災狀輕於背爾鄉去非心所願留忍肉先僵墓
委他人守兒充此日糧知能來復否言下意悲涼

豈無賢宰牧緩頰說如傷點鐵原無術催科自有方計
窮生勝死衆弱聚能強比歲殲羣盜將無元氣戕

開庾仍分鋤也知數發棠窮應呼父母亂亦費貲糧天
虐君能補帑空賦可償蠹茲邦本在持以告吾皇

舟行

薄領埋頭苦舟行快不艱倚窗聽細浪捲幔看晴山稻

卷九
泰逢人問烟雲信手刪醉餘時一卧夢境共鷗閒

和秋禊六首

有序

張濟美於七月望前一日集同社十有七人
會於日涉園之遠香亭倣蘭亭故事為秋禊
云於時各有言詠圖畫成卷足稱曠遊遐寄
矣乃復韻檢九佳體衍六首高情寄託泠然
善也予韻其事如數屬和殊愧續貂耳

春禊何如秋禊佳高情遠致自吾儕會無常數餘閒日

坐有清流宜水涯舊譜翻成添韻事新題吟去散詩牌
袞除此際知尤快風淡無塵月不靈

春禊何如秋禊佳中元上巳亦何率暑當初去如芳候
月到方圓暢好懷度曲和容林外鳥飛觴勸借雨中蛙
未能免俗聊應爾獻果分瓜拆玉釵

春禊何如秋禊佳月新花老較爭差山光似睡疑初醒
蛩叫如吟乍自嗜情勝不尋三月例詩成懶作四言排
臨池勢向空中取雁字分明折股釵

春禊何如秋禊佳
氣清天朗應時諧
隨綠雜坐能忘套
率語傾心不忌俳
林裏真堪稱小隱
花前亦可學長齋
主人欲傲山陰會
絲竹如教故故喈

春禊何如秋禊佳
時時觴詠可興懷
鴻賓鶯友誰調舌
殤壽彭夭我放骸
流水聲悽彈綠綺
蘋花風緊踏青鞵
憑將格外通疎意
探雪觀蓮總未乖

春禊何如秋禊佳
幽芳九畹露滋芳
風傳金氣園鄰谷
門接桑田里是柴
貌出羣賢皆似鶴
坐當古木半如楷

遠香無用標新勝即曰蘭亭義却諧

先曾大父丞郟城有惠政兩邑求攝爭之境上

至今傳以為異觀風至此愾然有感

郊子遺封舊臨淮去魯遲雲將山起伏烟帶草迷離地
僻民風古差多驛路疲留餘先澤在行部使人思

中秋和介孺韻時桂花未開

二首

愛殺中秋好月光竹邊清切水邊涼西風吹向花欄過
錯認蘭香是桂香

一枝且莫怨開遲。桂萼須知勝柳絲。嫩綠初黃憑看取。
晚秋風物早春詩。

秋夜有夢

秋宵長自可。只是夢無端。境幻非因想。時多不肯闌。
情溫舊事得意遇。新歡佳處偏逢醒。其如漏未殘。

新草

春光吹到未全勻。偏是新青自可人。無力搖風因帶雪。
有情就雨怕沾塵。欲尋多處須臨水。正趁柔時好作茵。

乘曉踏青原上望離離烟際辨曾真

初柳

春情乍被柳相挑儘費支持不自聊作意將來令眼媚
關情偏可惹魂銷瘦猶含態驕梅格暖故拖寒帶雪條
漫教疎黃與深綠好風吹綻看來朝

徐辰叟以詩名家而書法畫品亦復擅奇一時
遂有三絕之目夫三者足為辰叟重哉高情
寄託尚別有在而此其餘也然餘亦稱絕是

之謂辰叟耳

誰似君三絕當由韻不如試看詩在畫直以篆為書披
卷生情慧含毫寄想疎文心通體映此亦但其餘

魏仲雪過餐冰齋遇雨

清風吹袂惹烟蘿正是冰廳許爾過密坐深譚塵事少
新知細訪雋人多酒間啜茗腸如浣卷裏題詩手自摩
當夏快來秋意爽兼將涼雨快如何

米仲詔齋中觀劇與辰叟賦

小名應是喚盈盈
聲態偏能想性情
低度靜聞梁上響
步虛小試掌中輕
翻嫌雜和吹彈寂
別見餘姿顧盼生
不是今宵消不得
花醒人醉月清清

看月

雨餘宜對月
雖夏亦云秋
物象生新爽
襟情與淡幽
庭空容水映
夜永許人留
祇覺情無盡
憑虛又上樓

瓶花影與仲詔同賦

應是花魂亂
支離壁與瓶
水烟分體魄
燈月幻精靈
寂

照能為色有無好問形耳根忘却否落瓣亦堪聽
與畫難同看曾無粉墨遮描時聊取似插處却宜斜燈
背深籠幕蜂回懶報衙天機傳滅沒絕勝鏡中花
試參象外花何若人中景照壁寧非真折枝仍作影誰
云嗅有香意在濃時冷但當影子觀箇中猶未領

同辰叟集仲詔葆光堂得陽字

何期官舍裏見此紫芝房種竹無倫次栽花有秘方琴
生惟取韻石聚亦能香試解仙人意悠然思葆光

題米家童

有序

予素不蓄歌兒以畏解故不蓄也每至坐間聞
人度曲時作周郎顧誤又似小有解者然則予
自是無歌兒可蓄以畏解固強語耳一日過仲
詔齋頭出家伎佐酒開題西廂私意定演日華
改本矣以實甫所作向不入南弄也再一傾聽
盡依原本却以崑調出之間之知為仲詔創調
於是耳目之間遂易舊觀介孺云米家一奇乃

正在此不如是不奇矣予之自謂有解者亦
猶強語耶因其廢詠以當鑑賞拈得腔字恨
不能以仄韻作律體堪與相對付耳

生自吳趨來帝里故宜北調變南腔每當轉處聲偏慢
將到停時調入雙坐有周郎應錯顧簫吹秦女亦須降
恐人倣此翻成套輕板從今唱大江

八月十一夜與介孺看月成醉共賦十四鹽二
首

秋雖方過半月却尚能纖況有人相映偏教景似添挹
清傾露液取影下湘簾詩裏須情韻何如此際兼
詩就還看月移時興未厭更深花意寂坐久夢思恬浪
謔皆成雅新聲不忌纖生情愛淒冷對酒可能廉

閨中曉起次介孺韻

平章文事罷枯坐却如僧占喜聽喧鵲耽眠撲倦蠅詎
資殘酒助倦向小欄凭客沉誰消得香烟蔓石藤

憩壽張署中次介孺韻

介孺與予心期行徑無一不同其以司理來也
又並轡而東四年馬上苦亦同矣觀介孺壽張
署中題句敘致苦懷至不可讀非親嘗者那復
能知亦惟予知之耳近又自為詩解之苦當更
甚非極苦何事解哉予和詩第言不必苦不
必言苦所謂以不解解之不知此情事視解
之者抑又何如因為并書於壁使後人知予
兩人之苦同并知予兩人心期行徑也

誰是當官不苦忙
敲冰且復浣詩腸
來青乍快迎風竹
送日常焚入夜香
行色三更隨月冷
襟期六月帶秋涼
遠心自在塵鞅裏
小憩何須定解韁

獨寐

布枕餘清意
形神得自親
微風時動幕
小月夜窺人
境欲參喧寂
夢先斷想因
陳梅交暗影
與作睡鄉鄰

詩 石城遊草

舟行

兩年馬上睡今始快舟居水濺時來枕塵吹不上裾拂
雲朝洗硯釣月夜驚魚捉筆知飛舞南遊紀勝初

舟行見荷花折插瓶中

三首

不用陂池不用錢乘舟采向冶湖邊但須插架妝生態
自去疏枝自揀泉

清通高遠挺孤妍况有山礬作侍鬟石几紙牕無別供
花成香霧水成烟

聞香餐秀總堪憐君子呼名品是仙茗賞得神原勝酒

水雲傍置一茶顛

泊舟書所見

蒹葭已自見秋容
何事舟橫淺水中
滯櫓停桹頻問雨
破帆斜挂懶呼風
波間試水喧艚子
篷下鋪蓑睡枕公
釁罷吳娘無箇事
灘頭閒採蓼花紅

初秋看水中新月

三首

月固深秋好逢秋
已自奇況當初出
候絕勝入殘時清
映空中色寒侵骨
與肌有無烟水裏
正足使人思

一片波文潤居然冷畫屏水疑工小景月故皺全形若
使光無刺猶嫌寫不靈最奇聲稱色細賴吹玲玲

閒將花比月花老不如新意歛翻多態膚清并入神纖
輕工半面遊戲解分身暗想憐花者其時定早春

秋夜鄧耒孩馮上僊曹愚公招飲淮河樓上看

演黃梁傳奇

秦淮河上低楊柳歌舞樓中小月明異地誰教賓作主
同襟方見弟和兄已從戲局還看夢縱使訴談總自清

一曲遊仙催漏短貪歡怕是聽鷄聲

寄李仁常

李郎好情致都不關山水雖爾負才多淵靜無自喜兩人稱淡交政此元味爾許日不見時輒欲生吝鄙況是別經年中懷能已已把酒讀離騷所思在蘭芷

野人居

誰家居傍水屋破也含清兼是依山曲果然似畫成人烟藏荻渚鷄犬聞朝聲半掩門何意主人愛月明

月夜聞笛

月白江空露下時誰家笛傍晚風吹情深可奈消無酒
景好惟須對以詩欲譜新詞三弄裏那堪苦調幾聲悲
將眠又起呼舟子船過山陽且莫遲

漂母祠

世間誰謂男子智跨下侯王眼不識塵埃物色有英雄
衆人所難婦人易一飯博換千金來千金不受名乃至
衿輩者流如是奇言下尋繹有深致進食吾以哀王孫

豈以壺餐因為利功臣事業純臣心望報不可皆此類
圯上黃石教子房子房用之赤松避吾悔不用蒯生言
惜哉未達漂母意

過維揚

遊子關情處江空白露秋客程初問水旅思怯登樓非
是瞻雲切豈應見月愁鄉關歸夢裏一夜下揚州

夢

秋夜勞人處愁多夢亦多柔魂疲遠道嘔語喚輕娥雨

滴當敲碎蛩驚半入訖醒翻無處著此際奈情何

金陵

莫比風流六代時周官禮樂漢威儀前朝離黍今曲盡
不作金陵弔古詩

秋夕同王公兆鄧未孩何贊否曹愚公小集

新秋亦已清况是經雨後良朋亦已歡兼之叙故舊集
坐礙廣堂深語連昏晝率意口不擇更端每錯謬豈不
或脫疎亦自見骨肉酒至各盈樽貴令引杯覆佐以殷

與枰碎聲和簷溜角技兩分曹喧呶如相鬪令長酒政
苛屈卮法無宥醉極喉吻焦江水寒可嗽

蓮藕付庖人煮熟以進因戲成之

曾笑圓方竹而今煮藕絲不教冰漱齒空想雪流漸萼
菜能加豉晶盤也下匙知君蒸法好何以處哀梨

恭謁孝陵

孝陵佳氣鬱葱籠手闢鴻濛萬國從帝命開天非逐鹿
地因拱聖始蟠龍風雷久護存靈瑞日月同華想聖容

拜罷小臣思作頌大明豐芑此山鍾

弔方先生墓

夷齊叩馬諫原不為武王心憂篡弑者借口於伐商武
烈當時變二子念天常各自具深心并行豈相妨頑民
遷洛邑義士死首陽死名與死節武俱不忍傷一時兩
知己千載有臣綱憶昔方正學將無同肝腸氣不激不
烈節不烈不揚悲風寒木末至今有餘愴

遊清涼山

金陵鬪繁華此地獨幽勝況際風日佳一觴發嘯詠帶
酒拜佛堂操塵擊清磬送響入山谷山谷為之應看額
題清凉正醫煩熱病數轉盡松篁登山不得徑老僧起
前行大似饒遊興山色乃出奇遞與人意競陟巔憩孤
亭俯瞰江如鏡湖芳字莫愁井落胭脂靚指點向予言
靡靡俱可聽典故屬風流無乃亂禪定僧善自解嘲強
曰無垢淨彼謂予也迂予謂僧也佞清事資快談大笑
山欲暝

清涼寺

老僧日起迎遊客引路烹茶總熱忙似覺山猶疲應接
如何寺却號清涼堤籠楊柳烟含霧井落胭脂夜有香
寂寞繁華難作解好將此義學參方

瓦官寺

有引

瓦官寺為晉時諸賢言詠地一時風流掩映
千古遂使一刹並傳不朽予至金陵急訪觀
焉得於鳳凰山之南低徊不能去者久之稍

折而東榜復如前因怪問寺僧言志稱瓦官在
鳳凰臺之左想此定是舊址何得以後出相遺
乎力與前寺僧辨而質於予予戲曰南中好古
而工為廢寺亦乃爾耶率筆成此不覺啞然失笑
臨倣從來有瓦官寺也同僧知爭舊跡佛怪有離宮就
宿雲移北隨緣月照東諸賢如尚在詣講定何從

冶城

即朝天宮

訪古冶城地朝天故此宮廊迴斜落月鐘老咽淒風地

換興亡後人歸代謝中情多終是累憑弔意無窮

遊紗帽巖

書報山靈豎一銜來遊何必卸朝衫如今山也貪簪冕
新樣烏紗罩作巖

斷蛇溝

赤帝子帶醉歸酒氣如虹劍光揮蛇神血濺妖姬啼夜
半搗藥聲鳴悲祖龍死楚騅彘大風歌喜羽觴飛漢高
長技烹走狗何不將來斷牝雞

黃河

不是來天上何如坼地開
掀風看浪舞挾雨欲山摧
古岸蛟龍徙清時壁馬災
行河財力盡臨岸意徘徊

同張賓王上僊愚公諸君子秦淮泛舟

攜酒來尋桃葉渡
聽歌共上木蘭舟
人當醉極偏矜醒
歡到關情反作愁
疊浪遠山描淺黛
媚人明月趁清秋
朱欄曲曲香風散
絲管聲中笑韻流

石頭城

荒荒憑故壘傳是石頭城照返三山影江流六代聲露
華臨夜白天氣入秋清俯仰悲人代還看月影晴

閏中秋發自金陵

雨花臺畔草茸茸到處清妍到處濃詩料攜將雲滿袖
談資貯得錦為胸人貪攬勝難言別月好逢秋不厭重
明日偏宜江上去推窗兩岸看芙蓉

燕子磯期於還時登攬歸棹北發夢中度過醒
已不及泊矣悵然有作

燕子磯頭路定尋江上行睡貪乘浪穩坐負看山盟洞
杳雲移宿林虛欲問程長流不盡意翻覺有餘情

無題

話到匡山恍欲乘冷然六月對寒水客忘形迹分誰主
官耐清貧却類僧鬪茗因香為韻格評詩似水辨淄澠
花陪晚醉仍留影月盡移將問一燈

文忠集卷九

欽定四庫全書

文忠集卷十

明 范景文 撰

詩餘草

賦得花朝遇雨

春陰偏是趁今朝
妬暖餘寒尚自饒
花意如人初中酒
柳容似凍未舒條
踏青遊屐方微濕
聽雨吟魂却暗銷
烟裏空濛飛翠冷
縱無紅紫亦堪描

寄呂介孺卽次其韻

昔人論朋友云是我之二形跡聲氣外應是具別意與
爾有是夫脈脈稱同志語語率心口言下盡情摯有時
或脫疎翻覺勝周旋何處見最真質之於夢寐我亦弟
二爾莫漫擬昆李

三月晦日邀李仁常諸兄飲味元堂有作

急防暮雨摧花盡移檻仍為一日留仙易誤人聊作戲
誰能問世類藏鈎茶顛入酒心難醉鳥語叅歌韻更幽

盡日追歡休卜夜還教宵夢伴春愁

齊中

疎篁寫影上屏紗態韻蕭森類畫家尤愛空明紅間碧
更將鏡子照瓶花

坐仁常松鶴亭歸時有作

綠雪飛苔石徑滑微風不動樹聲歇雅歌緩緩溜珠圓
子規呼冷山頭月對酒細語勸酬清白玉塵底開元窟
醉花亦欲學長生烏紗繡紱裹仙骨歸路鶴引聽松濤

雲疑似看明星沒

王玉峰素善房中術一時搢紳多從之遊稱曰

神仙翁後竟以是敗道而死因戲成此詩

錯疑秘訣不曾傳猶記逢人說汞鉛多少朝紳真弟子
青娥隊裏哭神仙

送陸伯順年兄

有序

軍餉中匱圉吏告棘伯順適在版部歲解金
花遂便宜借發乃具以聞上怒謫伯順官於

時中外人士皆惘然咨嗟又有為伯順稱榮者伯順曰惡是何言矯詔予罪也余窺其微論著之當慰辭焉

王師張捷伐四處大徵兵枵腹焉能戰所憂在呼庚中帑不可問何貴舉朝爭便宜取濟事古人亦有行金花數十萬三軍色肉生矯詔非無罪久矣權重輕聖怒原不測嚴譴翻為榮豈其愛阿堵想為尊朝廷外人那得知微意恐不明未免損聖德成我臣子名此處應介介

金
君何以爲情

中秋無月

清宵何事偏陰雨一歲中秋得幾迴有酒停斟遲月上
將眠更起看雲開光餘明夜留相補約定故人怨不來
若使遊仙成好夢也應無用管絃催

葉以仲李元治年兄招飲邸中

滾滾京塵障眼生寒冰對照玉堂清挑燈淺語俱堪味
發篋新詩漫付評混世無能甘獨醒知心倍自見深情

牢騷已向酬觥盡獨有憂天意未平

陪祀長陵

螭文隱起護豐碑祖烈開天不盡思
魚藻興懷空悵望
來遊先到九龍池

松風一道瀉寒泉碧瓦鱗鱗白玉欄
一自路荒清蹕後
廿年想殺老中官

過宮女墓

石馬夜嘶風悲怒衰柳泣秋咽
寒露蛾眉不盡古今愁

急雨空山慘日暮香魂欲語月冥中彷彿昭陽怕人妬
燈昏帳冷掩芳霞幽恨幾時銷蓮步紅淚無用灑重泉
荒塞亦有青草墓

碧雲寺

山削秀芙蓉積翠明天際披烟陟極巔以雲為郵遞碧
屯靈境開人意生靜慧嵐氣雜梅檀風定裊裊細香積
玉一泓澗疏鳴泉逝照出淨明心秋澄而月霽霞光簇
蓮臺寶粧青螺髻金碧錯琉璃石繡花文砌葱蒨天生

成人工加點綴法王依帝城自應如此麗稽首嘆壯嚴
人間真福地

香山寺

峯勢矯起飛欲去紺殿巧得山靈助碧雲鬪麗不鬪清
此中諸勝偏能據紅霞片片落空巖憶是鑾輿駐蹕處
翠色挾雨送來青耳中恍惚聞天語看山眼亦需聖人
御墨流鮮鸞鳳翥老僧舊事說不休箇箇遊人看榜署

上便幸西山謂諸峯獨香山
有秀色來青即御筆題額

李戚畹園二首

侯家鋪設盛別墅也雕甍况是水邊竹兼存林下風
苔花生石繡柳浪襯魚紅山澤非無勝終當讓此工

若與人相比濃粧一美姝色聲香並艷紅紫綠平敷樹
亂留烟雨峯奇寫畫圖遊人堤上望錯認是西湖

招徐辰叟何聖符李仁常飲卽中和韻

文字雖清事酒間并可刪時偏宜冷夜人半似秋山防
醉茶居勝矜奇畫自慳欲行君且住留與月同還

仁常時向

辰叟索畫辰叟
許以過春為作

冬月辰叟有湖上之遊歸來貽予以詩依韻和

之

湖光妙正在秋冬露盡冰文雪半封載月停舟應自絕
分烟掛畫定嫌重眉開遠黛工能寫影浸寒梅巧作供
手把新詩清在眼冷然容我夢相從

賦得月下看影

乍對分明是體真笑語微空青臨小像粉本掃癡肥坐

起憑誰使周旋得我依形神相覩定月落莫忘歸

齊越石方孩未過訪

客來雪鵲亂鳴檐坐語移時肯自淹畫學還應推米芾
飲宗只合事陶潛病防極熱微添火人快輕酣半捲簾
元笈一篇談未了瑩瑩心眼朗秋蟾

辰叟聖符招同介孺看演牡丹亭傳奇得三字
半吐梅花半尚含主賓相對影成三人從久別疑初識
酒漸停斟為極酣醒眼難禁思好夢歌喉直可當清談

平時空說心冰冷愛此將無小犯貪

艷事幽情與冶談如斯稱絕喜兼三心知境幻終成劇
怕是魂銷預戒耽聽至關情還罷酒時當隔歲亦傳柑
夢殘誰可資歡具鬧歲填街鼓正酣

同仁常毘盧菴共話

尋勝探幽不厭頻心閒別是見清真偶攜艷語來僧舍
雖戴烏紗是雋人語至移時常近夜坐當暖處乍疑春
香林亦是看花地梅影當窻漸有神

庚申元夕仁常招飲燈市酒樓同王無近章甫
仲田伯善年兄有賦

御溝春暖漲冰絲風軟沙吹日影移珠綴九微明燦爛
張燈不待月高時

王孫約隊簇金貂玉勒青驄綺陌驕文貝珊瑚看不盡
東華門外市三條

朱樓一帶鬱嵯峨陣陣香風襯綺羅龍燭薰空喧不夜
天街到處月明多

寶馬如雲炬列星梨園部部幾回停遊人蕩引春心處
紅袖雙垂醉倚屏

侯家騎從導初傳滿路花飛拾翠鈿攜得冰壺清切意
焚香坐聽唱遊仙

月明處處度笙簫春色分明廿四橋有酒勸君須盡醉
百年能得幾元宵

夜光人影共闌珊裁就新詩月上欄淺黛嬌紅爭眼媚
此回盡作夢中看

火樹明時夜色驕
蝶飛照見上吳綃
紗籠引向皇城下
女伴相邀共走橋

珍珠簾內艷層層
笑韻飛空力不勝
別有眈元燈下坐
徐呼童子夜敲冰

賜酺長安舊事存
千官節假亦君恩
紅雲遙望深深處
高架鰲山樂至尊

辰叟卧病西山作此訊之

病亦詩中料於君未可除
遊貪聽瀑響住愛伴雲居
採

藥增新課裁方檢異書劇時兼愈理一味是清虛
飽飫西山翠應知病骨蕪登高誇小健照水試新癯習
靜觀禪定消閒寫畫圖澄湖蓮正好亦肯一來無

偕華愚公齊越石呂介孺王見卿耿明甫劉敬
仲蔡韞先集米仲詔古雲山房分得六魚

入門詩意在景逕淡蕭疎石老留雲古窻明印月虛茶
寮醒醉客畫舫隱清魚同抱寒禪相求看繡佛居

色色南宮肖唯顛小不如與秋同淡冷對酒益清虛韻

思圖中寫微言謔裏揔猶嫌多事甚商校古人書

夜坐

不獨坐慵睡亦慵起同鶴步破苔封霜華漸濕晴為雨
天水互涵影似重就月經行疑積雪聽濤移坐近寒松
爐香方炷心應寂林外猶嫌度遠鐘

詩

苔雲草

夜起

午睡常多夜懶眠虛庭步月影翛然酒酣恰值初醒候

香裊仍聞欲盡烟相伴無人依竹下共堪與語問花前
更移小榻池邊坐一氣空明看水天

古盤吟

園丁鑿窖得磁盤數十餘皆觸碎尚存其一花
款極精色如古玉嗟乎此獨完好孰為守之碎
者猶是常物亦一奇也余異其事因為賦之
古磁透骨青絲細花文鍍扣作哀玉聲幽響漱清露來
幾千百年何人為冶鑄出土精色寒冷光洗秋雨衆缺

獨以全誰得窮其故靈物現世間應有鬼神護寶氣夜
識難顯藏闕乎數嗜古癖且癡披草創荒墓

中秋後同王退如月下泛舟是處無湖因號為
是亦湖得上字

秋意散人懷復當芳月上銀河瀉灝空影入波中漾破
暝凌水烟載酒坐小舫勸酬亦云清何況發高唱互答
總蕭森微籟敲細浪響落林木間颯然生遠況名勝即
天開終以人而暢墩著謝家安樓仍庾氏亮靈蹟定有

因斯言當不妄若稱是亦湖睇景忽超曠分韻和新詩
詩成興逾王

秋夜偶成

小立虛亭內遠香靜可聞伴惟邀冷月影欲殢涼雲傷
晚憐秋老貪清坐夜分深情何所寄酌酒取微醺

閒居用退如韻

為因謝客掩柴關明月曾留共往還祛病尋方餐白石
卧遊就壁見青山詩成快極思忘苦夢裏靈通睡不頑

日課香燈經半卷殊無別事礙清閒

周景文年兄過訪

有引

景文兄字與余名同試政司馬署中相視莫逆
也受除皆為李官一在閩一在齊閩罹璫禍齊
丁魃菑其殫力捍禦以救吾民亦既不有踵頂
矣然而獲存於九死一生之餘者殆非始意所
及也嗣先後入為吏部而景文之推余實司啟
事云辛酉春余省覲居里景文入都枉訪山莊

挑燈共話追昔撫今感慨係之矣

名字同來詎偶然
心期細話夜燈前
衝濤故我留還在
咽雪旁人不敢憐
笑以相看仍哭世
醉非因酒為憂天
京塵知否今如沸
玉尺持將並月懸

秋望

霜壓秋光碎
林容似不勝
近山空翠濕
低野遠烟凭
聲咽風中雁
影寒水際僧
攬雲樓上望
日在最高層

殘荷

雨餘風際費禁持
除却亭亭別有姿
偶憶佳人初睡起
銷魂正在欲嬌時

同汪未央王太初嘗秋茶

虛窻菊影印疎斜
揀得山泉共試茶
香外微涵巖洞韻
聲中小驗乳冰花
水惟取活頻看火
洗不嫌多淨去沙
似帶高秋清冽意
誰誇穀雨剪新芽

卹報

卹報愁拋又取看
時常痛哭總無端
朝班水火君何利

仕路風波隱亦難病起心猶勞念緯才庸道只合投竿
買山欲問桃源路何處烟蘿不渺漫

同未央坐繡研齋

冬足清人意晴窗亦帶寒石靈香聚暈研繡墨留殘披
畫茶相賞摘梅雪並餐鑒憑詩格取商定可能寬

夜坐

微嫌花氣掩棚下坐焚香竹引人偏遠更催月覺忙茶
濤烹古雪蠻韻答清商定起蒲團坐幽通鶴夢長

未央貽余畫竹題云倪元鎮自謂其畫竹如麻
如蘆猶去竹不遠茲畫葉乃如樹葉殊無一
毫似也作此賞之

不欲全求似蕭森態轉真綠風微作勢邀月澹傳神葉
密留雲宿叢幽借石隣還於勻墨處高寄想其人

病起

不為經秋瘦倍前愁心難理緒紛然雖行澤畔還憂國
每步星前仰問天戒作詩文曾誓墓閒尋靈夢當遊仙

病餘拚定生涯計一笠寒雲衛水邊

士戌中秋酌月方罷城西忽報寇警當夜移書
請兵於時引燭揮毫與杯酒共為淋漓一段
意氣不覺自雄偶憶其事詩以記之

鄒嶧城邊戰骨高血腥染月黯平濠偏當勝日聞傳警
不放清尊有佩刀談笑憑將吞賊壘緘書飛去代龍韜
整閒應愧圍碁墅痛哭籌兵氣自豪

雪霽月夜同劉從之齋中嘗茶

見晴先已快得月更添清雪後寒光徹庭空晚意生分
烟同畫看取影見梅橫賽茗增新課敲冰起自烹

姚孟長過訪

夙昔共周旋生平欣依託冰雪濯肝腸塵喧不能灼寥
寥神味投別久傷離索聞君自北來未見意已作片帆
駐江干副茲千里約夜雨對深燈清言紛如錯茫茫百
感生欲語喉間格中有不能平時託於諧謔舉國坐漏
舟危檣馬所泊憑君濟代人余將安丘壑

看雪

看雪生閒恨如花但少香
窻明臨薄月雲濕動虛光
情與聽泉近景因帶竹涼
空庭迷素影一鶴自軒翔

劉耳枝過訪

久別方思已到門
霜稜滿面氣清溫
春新酌酒催花節
月過張燈補上元
非馬譚奇堪洗耳
如鶯度曲欲銷魂
披來醉墨神飛動
撼壁雲濤夜色翻

花朝雨

拈得花朝字無花亦自憐移情聽夜雨借景看雲烟霽
賞期明日芳遊憶去年一杯春水綠攜上泛湖船

夏夜同李仲昌小坐閱邢子愿書

新晴夏夜亦蕭森杯酒尋常覺獨深花為殿春猶戀草
樹當趣月上棲禽筆鋒入處看偏正詩案翻來辨古今
久坐一庭空似水無言相對領元心

春夜流雲閣聽客彈琴

何事三春裏冷然一片秋酒雖留客醉琴故使人幽茶

熟香銷鼎燈殘月到樓餘將蕭颯意入夢作仙遊

曉起

殘月晨光認未明薰爐貼被曉烟清因貪好夢常思睡
任帶餘酣嬾解醒覺半猶嫌驚帳蝶起來預擬聽林鶯
恐虛客約看花早歌枕呼童問雨晴

春暮看迎春花

春深方欲去花始見迎春避雪遲芳候攀條悵美人分
黃邀柳伴愜賞得茶新持此留將送相憐意更真

三月廿七日來道之將歸會稽送之桑園別墅
翦燭為歡夜雨前易州酒媚越歸船賞花限展還三日
瀾茗瓶開第一泉稍歇吹彈因說劍不妨諧謔亦參禪
怕聞人與春俱去起拂離歌奏別絃

梅雨

聽雨原清課雖多不厭賒就簷深貯水近火謾供茶醉
日堪移竹閒時省浣花遊情還未礙蠟屐過山家

賞新茶

有引

吳興故產茶家大人宦遊茲地三年未嘗以
一葉歸也余素有茶癖惟日煮清泉點以白
石蓋不欲以所嗜累大人清德耳癸亥春客
自燕攜有新茗取第一泉烹之因邀友人共
啜中有作詩賞之者猶以為吳興產也隨用
其韻戲成此詩

千錢市茗止爭先才過清明寄自燕
茗葉重封來馬上
乳花細沸試鐺前
嚴親只飲湖州水
座客還吟顧渚篇

為語茲非官索物山泉亦附估人船

謁嶽有禱

禮罷名香手自焚中懷一點徹蒼霄帝閭欲叩憑靈嶽
玉女為煩啟秘文鑒在人天應不遠齡惟父子可相分
回身越觀峯頭望烟裏先看峴嶺雲

過泉林得靈字

三首

塵路何緣潑面醒尋泉獨上玉淙亭瀾翻雲片吹寒綠
石浸苔花盪古青景欲並幽延月看時當絕勝趁秋聽

枕流便就林間卧耳畔潺潺夢亦靈

從來第一數中冷洗筆題為品水亭山有專名兼字慧
石因漱潤可云醒響傳瀨底同人語濤沸鐺中作雨聽
好摘蒙品花葉煮茶香泉味總通靈

風閒夜靜幾曾停百道珍珠瀉玉瓶濺去潭光鋪軟碧
招來山色印空青遙聞互答添松韻細問深源注水經
妄意飛來峯點綴一緘書報與山靈

渡江

瓜洲對峙玉嵯峨指是金山十里過著眼雲容當夏異
撩人風物過江多遊情剩得收烟雨詩料分將與月蘿
穩記船經閭市下方言細聽譜吳歌

舟中

乘風枕上聽潺湲行盡荷塘載月還勝事湖中平占斷
推窗便可看晴山

蕉雨軒嘗水

片片峴山雲朝來看起止此外一事無睡足惟品水中

冷以意尋想像江心底慧稱第二泉遠汲塵易滓何如
碧茗溪潺潺來城裏入目快平遠挹之清且美便潑洞
山芽雪花泛冰蕊泉味與茶香相和有妙理細嚼潤枯
喉泉脈濕靈肺白石點作湯並以礪吾齒

宿昭慶寺曉起

人境何曾隔宿來似遠山水喧搖畫壁月靜隱禪關鐘
曉人催醒鈴清鳥共閒仍牽餘夢去穩棹卧湖間

遊玉泉寺觀魚

名
山
集
卷
二
孝
湖陰曲曲路還通
紺殿門環四面峯
寺寂空山靈在磬
鳥鳴遠樹響傳風
妙明佛性潭相印
禪定僧容鶴與同
憑閣下看吹錦浪
遊魚影帶夕霞紅

湖上夜作

游情入靜始相關
歌管雖清亦暫刪
乘月遍尋湖上寺
披烟細認雨中山
荷風散水香初冷
嵐氣吹雲晚漸閒
幽賞仍須人共領
聽鐘坐待老僧還

靈隱寺

寺涵靈氣隱山椒不待登樓月可招
覓徑穿雲行屢歇談經拂石坐相邀
洞深雨積當晴濕泉竇風吹入夜囂
門對飛來峯絕勝何須極目瞰江潮

湖上晚歸

登山泛水兩相宜船後輕輿更使隨
一徑晴嵐深見寺千尋懸瀑下通陂
鳥迷樹影歸林亂雲戀湖陰入岫遲
欲向空潭延月色穿橋夜坐放生池

招戲設席於吳門舟上晚泊虎丘

歌板初傳酒漸催金閭橋下放船開香風低散飄羅袂
艷舞輕翻簇錦堆漁唱依林吹笛和蓮舟拂水送花來
當場已自銷魂甚莫近生公說法臺

江上晚行

江行何必月水氣自難暝浪湧潮頭白雲拖雨脚青帆
檣過鳥影漁火動龍靈坐起清神魄濤聲作瀑聽

過江抵維揚

廣陵濤起漲秋間一棹乘潮夜抵關行李累人因載水

郵符借得好看山江鄉欲別仍回首吳唾重聽少破顏
惟有蘭苕溪上月領將一路伴人還

早發

歸途貪看月帶睡促宵征旅夢風吹斷客心雁過驚路
窮常遇水雲散漸臨城曉氣清如此連朝雨乍晴

將抵家見月

客裏三逢月西湖一載遊暑因清漸減勞得快相酬低
照從山起餘情借雨收歸家看亦好尅日到中秋

和北吳歌

有引

我吳之來舊矣嚮無詠而歌之者有之自退
如使君始余乃得讀而和焉余吳人宜習吳
事一行作吏日事遠遊到家却反似客即廣
咨問亦不過十中二三耳爰搜近事合之舊
聞稍為櫟括以答來韻並與里唱途謳共爲
作止以俟觀風者采焉所云北者以別於南
謠俗聲情各還本色不欲旁摭失實敢云三

吳可四耶辛酉十月識

層層柳色水平池
三里孤城月照碑
山雨樓空鐘罷響
開門忙殺賣糕兒

龍潭月冷澹無波
自昔瀛州帶九河
北望燕京南接趙
土人猶說古悲歌

鉤盤擊浪注東來
風捲蹄輪碾作埃
搔首築堤人不見
最高傳自祭風臺

野曠烟平寫意圖
垂楊深處隱城隅
月明橋斷吳家渡

古井風吹響轆轤

石馬寒嘶卧古松地老幽魂向此中
窮殺城南耕瘠土
年年塚畔哭秋風

秋水蒹葭綠雨敷冷香亭外碧澄湖
畫船泛月人爭看
道是瀟湘好畫圖

元宵踏月月如銀士子焚香拜聖人
道遇女郎走百病

南關燈火一時新

女子踏月名曰走百病
士子俱詣文廟燒香

春來多半是風沙雨後新晴一抹霞
梨白桃紅楊柳綠

蘋婆花似海棠花

芳郊走馬踏青行，隨意空城春草生。
綠柳陰中鞦韆影，

遊人知道是清明。

將陵故城漢宣
帝封史曾即此

雨當三月貴如金，夜望雲生早看陰。
風刮土龍鱗爪動，楊枝灑水叫甘霖。

春鋤帶雨潤如酥，風送農歌動地呼。
怕說城中飛檄至，修堤河上點丁夫。

連窩驛枕衛河隈，來傳何堪前站催。
白米江魚隨處有，

麥黃水漲送船來

鳳仙浸指甲尖緋架上石榴簇作圍茉莉南船新寄到
百錢買得一盆歸

春饑指望到秋償未老新蠶已典桑風刈雨鋤渾舊事
如今歲歲打飛蝗

菜香瓜熟棗離離正是田家快活時官苦徵逋私苦債
隔隣含泣賣妻兒

屋破村荒照月明寒燈絡緯夜三更機杼聲殘眠未穩

喚起男兒事早耕

家家釀酒泛黃花初熟
攜將問狹邪一曲新聲聽不了
留眠過夜醉琵琶

薊北雪飛十月天孤村雲凍
炊烟風酸路滑行人絕
猶見老僧驢背眠

桃符門掛映春聯
爆竹聲中又一年
隊隊輕衫香籠袖
鬪鷄日費幾千錢

白衣賽會競燒香
簇擁如花看道場
小扇頻遮移步緩

旁邊立住少年郎

聞催新餉倍生愁
歲歲加編未得休
一邑硝黃三十萬
出關重復派車牛

忝掇才奴便摘花
一年最苦是農家
霜來九月秋原盡
又見風吹麥隴斜

十家九盡墊官錢
敲撲聲高欲徹天
昨日相逢開口笑
徭差新改一條鞭

潤袖高冠士氣馴
從來文事亦彬彬
近科只說丙午盛

十五人中舉六人

鄉裏兒郎也解歌時興曲子土音哦最難聽是聲哀急
不為關情喚奈何

青絲斜紐挽雙鬟鬪草纔同姊妹還聞說卽來親揷戴
背人偷覷倚窻間

北吳原不是東吳古意如今問有無擊筑餘風勞想像
一時俗尚喜言蘇

紅亭帶柳板橋橫古道西郊送客行謾道征輪憐下國

彤雲咫尺望神京

齊謳變調和初成一字吟來一字情
便帶虎丘山下去
船迴月上試新聲

贈徐石丈

文壇奮跡額多違
焚却儒冠換鐵衣
雖是丈人羞絳灌
其如武士昧攻圍
帷中夜識風雲變
閫外塵清羽檄飛
思塵拊髀圖一報
旂常勒績事猶微

丈忠集卷十